





庶物類纂

自二十七至四十一
木屬







若棟

庶物類纂木屬卷之三十七目次

桺

檉

一名秦

本草農
神農

一名石檀

別錄
名醫

一名樊楓

上同

名苦樹

唐本
草

一名盆桂

日本
華

一名白檉木

子

本草
圖經

一名細辛木

本草綱目
必讀類纂

一名苦櫟木

淮南子

淮

註子

俗名打谷那已

加賀州

檉

秦皮、陶隱居云、俗云是樊楨音規皮、而水漬以和墨書、色不脫、微青、且亦殊薄、恐不必爾。俗方惟以療目、道家亦有用處。唐本注云、此樹似檀葉細、皮有白點、而不麤錯、取皮、水漬、便碧色、晝紙看、皆青色者是。俗見味苦、名爲苦樹、亦用皮、療眼有效、以葉似檀故名石檀也。嘉祐補註本草

秦皮、生廬江川谷、及寃句今陝西州郡及河陽亦有之、其木大都似檀、枝幹皆青綠色、葉如匙頭許、大而

不光，立無花實，根似槐根。二月八月採皮，陰乾，其皮有白點而不龐錯，俗呼爲白檉木，取皮漬水，便碧色，畫紙看之青色，此爲真也。本草圖經

秦皮，本作檉皮，其木小而岑高，故因以爲名，人訛爲檉木，又訛而爲秦木，或云本出秦地，故得秦名也。高誘注淮南子云：檉苦檉木也。明李東壁本草綱目

蘇氏曰：秦皮出陝西州郡，今河陽亦有之，其木似檀，枝幹皆青綠，葉細如匙，虛大不光，不作花實，皮上有白點，取皮漬水，色便青碧，作字色亦青碧者方真。明倪

朱謨本草彙言

謹按：檉木葉形似匙頭，而有圓尖，二種，夏開白花，頗如棟花，微香，云不作花實，欠詳審。

鎮按：弘景云：道家亦有用處，蓋服食之品味也，而本經云：冬服頭不白，別錄云：冬服皮膚光澤肥，大人則可，想而知之矣，但時人不知，未見用於世也，因近地無白檉木，故不知之，惟北道細辛木皮即此。明何鎮本草綱目

目類纂
必讀

太子中允關杞曾提舉廣南西路常平倉行部邕管

一吏人爲蟲所毒，舉身潰爛，有一醫言能治，呼使視之，曰：此爲天蛇所螫，疾已深，不可爲也。乃以藥傳其創，有腫起處，以鉗按之，有物如蛇，凡取十餘條而疾不起。又予家祖塋在錢塘西溪，嘗有一田家忽病癩，通身潰爛，號呼欲絕。西溪寺僧識之曰：此天蛇毒耳。非癩也。取木皮煮飲一斗許，令其恣飲。初曰疾減半，兩三日頓愈。驗其木，乃今之秦皮也。然不知天蛇何物？或云草間黃花蜘蛛是也。人遭其螫，仍爲露水所濡，乃成此疾。露涉者亦當戒也。天蛇其大如筋而扁。

長三四尺，色黃赤，多生于幽陰之地。遇驟雨後，則出越人深畏之。以醋澆之，則消；或以石灰，掺之，亦縮死。

宋沈存中
夢溪筆談

梓木，色青翳，梓木苦，歷木名也。生於山，剥取其皮，以水浸之，正青用，洗眼，瘡入目中，膚翳故。曰色青翳，青色象也。

明慎懋官華夷花木考

棟

一名金鈴子、本艸、圖經、一名棟棗樹、海澄縣志、一名櫟。

肇慶府志

俗名石莫打磨

棟

棟實卽金鈴子也生荆山山谷今處處有之以蜀川者爲佳木高丈餘葉密如槐而長三四月開花紅紫色芬香滿庭間實如彈丸生青熟黃十二月採實其根採無時此種有雌雄雄者根赤無子有大毒雌者根白有子微毒當用雌者俗間謂之苦棟子本草圖經

棟長甚速三五年即可作椽其子正如圓棗以川中者爲良王禎農書言鶴鷦食其實應劭風俗通言獮豸食其葉宋懷歲時記言蛟龍畏棟故端午以葉包

糓投江中祭屈原明李東壁本草綱目

別錄曰：棟實生荆山山谷及蜀。今所在亦有之。惟蜀者勝，故時人稱爲川棟子。李氏曰：木高數丈，生長甚速，三五年即可作椽。葉密如槐而稍長，三四月開花，紅紫色，芬芳滿庭。實如彈丸，生青熟黃，葉性滑利可浣衣。練白，蛟龍畏之，故時俗以稊米用棟葉裹糓投江中祭屈原。蛟龍不敢食也。蘇氏曰：棟樹有雌雄兩種。雄者不結子，根亦有毒，服之令人吐。不正時有一吐竟欲死者。雌者結子，根白微有毒，入藥用根，用實當

用雌者。雷氏曰：凡采得曬乾用時以酒拌蒸熟待皮軟刮去取肉并核搘碎用。明倪朱謨本草彙言

棟爾雅翼曰：棟葉可以練物，故謂之棟。說文曰：苦棟木也。一名金鈴子。有雌雄兩種。雄者無子，根有毒食之使人吐不止。雌者有子，可入藥。以蜀川者爲佳。今處處有之。樹高丈餘易三四月開花，實如圓棗。○明徐光啓農政全書

齊民要術曰：以棟子于平地耕熟，作壟種之，其長甚疾。五年後可作大椽。北方人家欲構堂閣，先於三五年前種之。其堂閣欲成，則棟木可椽。同上

農桑通訣曰：子熟時雨後種，如種桃李法成樹，移栽

上同

棟木高丈餘葉密如槐而尖三四月開花紅紫色芬
香滿庭其實如小鈴至熟則黃俗謂之苦棟子亦曰
金鈴子可以練故名棟宋羅願爾雅翼

苦練發花如海棠一蓓數朵滿樹可觀明高濂遵
生八歲

明王仲遵
花史左編

苦練發花一蓓數朵滿樹可觀明王仲遵
花史左編

棟東臯雜錄江南自春至夏有二十四風信梅花最
先棟花最後唐人詩云棟花開後風光好八閩通志

棟東臯雜錄江南自春至夏有二十四風信梅花最

先棟花最後樹有雌雄雄者根赤無子雌者根白有
子閩書

棟樹有雌雄雄者根赤無子雌者根白有子福州府志

移三種豬血移桃花移皆美材練子樹亦名移器皿

少用肇慶府志

棟俗名棟棗樹雅翼曰木高丈餘葉密如槐而尖其
實如小鈴謂之苦棟子按江南自春至夏二十四番
風信梅最先棟最後唐詩曰棟花開後春光好海澄縣志

棟材實俱苦沙土宜之

重修靖江江縣志

棟似榆而疎幹易長質輕而堅其根枝多自然樛曲宜爲犁轍及牛牽江陰

宜爲犁轍及牛牽江陰

棟木頗高大葉密如槐而長春暮開花紅紫色實如彈丸熟則黃卽金鈴子也邵武

葉已成蔭高花初

著枝○紹興府志

棟有花詩人常道之宋梅聖俞詩紫絲暈粉綴鮮花

綠羅布葉攢飛霞陳無己詩密

石音爛石說文瀾或作連可證清方以

智通雅

幌氏以欄爲灰欄卽今之川練子也一名金鈴子一名石茱萸解食之蛟龍畏之智按古連蘭相通連

石音爛石說文瀾或作連可證清方以

棟爲器不裂聯子密種則駢結如垣牆然宜芒種時有成紫花者其子浸臘水貯甕中至夏月滌器蠅永不近取其子曬乾雜冬春米內不生蛀蟲居家必用曰黃棟芽可爲木蓼乘雅曰解食之火獸也喜其潔蛟龍畏之水蟲也激其怒○

清皖桐方氏物理小識

棟樹有二種青皮棟堅韌可爲器具其皮肉俱青色火棟性質輕脆其皮肉皆紅樹高一二丈葉密如槐而尖夏開花紅紫色一倍數朵芬香滿庭實如小鈴生青熟黃又名金鈴子鳥雀專喜食之故有鳳凰非

棟實不食之語。江南自春至夏，有二十四番花信風。
梅花爲首，棟花爲終。實熟，鳥不食者，俗名苦棟子也。
木有雌雄，雄者根赤，無子。清陳淏子
秘傳花鏡

近有一人，牙宣出血，不止。諸治罔効。或令以棟實研。

清張璐本
經逢原

細綿裹塞齒齦，即止。

苦棟

苦棟

棟實熟鳥不食者俗名苦棟子也

清陳淏子傳花鏡子

苦煉有紋理

雷州府志

謹按煉當作棟

庶物類纂木屬卷之三十八目次

椿

椿

一名豬椿

嘉祐補註本草

一名香椿

羣芳譜

一名虎目

肇慶府志

椿

椿木樗木舊並不載所出州土今南北皆有之二木形幹大抵相類但椿木實而葉香可噉樗木疎而氣臭膳夫亦能熬去其氣北人呼樗爲山椿江東人呼爲鬼目葉脫處有痕如樗蒲子又如眼目故得此名其木最爲無用莊子所謂吾有大木人謂之樗其本擁腫不中繩墨小枝曲拳不中規矩立於途匠者不顧是也竝採無時爾雅云栲山樗郭璞注云栲似樗色小白生山中因名亦類漆也俗語云樵樗栲漆相

似如一詩唐風云山有樗陸璣疏云山樗與田樗無異葉似差狹耳吳人以其葉爲茗許慎以樗讀爲糗今人言樗失其聲耳然則樗類之別種也

本草圖經

椿樗皆臭但一種有花結子一種無花不實世以無花不實木身大其幹端直者爲椿椿用木葉其有花而莢木身小幹多迺矮者爲樗樗用根葉莢故曰未見椿上有莢者惟樗木上有又有樗雞故知古人命名日不言椿雞而言樗雞者以顯有雞者爲樗無雞者爲椿其義甚明用椿木葉樗木根葉莢者宜依此

推窮宋寇宗奭本草衍義

椿樹芽本草有椿木樗木二木形幹大抵相類椿木實而葉香可噉樗木疎而氣臭膳夫熬去其氣亦可啖北人呼樗爲山椿江東人呼爲虎目葉脫處有痕如樗蒲子又如眼目故得此名夏中生莢樗之有花者無莢有莢者無花莢常生臭樗上未見椿上有莢者然世俗不辨椿樗之異故俗名爲椿莢其實樗莢耳其花不實木大端直爲椿有花而莢木小幹多迺矮者爲樗椿味苦有毒樗味苦有小毒性熱一云性

熱無毒，救饑採嫩芽，煤熟水浸淘淨，油鹽調食。明周憲王

救荒本草

椿樗栲乃一木三種也。椿木皮細肌實而赤，嫩葉香甘可茹。樗木皮粗肌虛而白，其葉臭惡，歎年人或采食。栲木卽樗之生山中者，木亦虛大，梓人亦或用之。然爪之如腐朽，故古人以爲不材之木，不似椿木堅實。

可入棟梁。明李東壁本草綱目

李氏曰：椿樗二木南北皆有，形幹枝葉大抵相類，實二種也。今據蘇寇兩氏之說，細辨之，各有異焉。椿木

體幹大而修長，皮赤葉香，味甘氣溫，質實無花子，性澀有毒，升發之用也。樗木體幹小而迂矮，皮白葉臭，味苦氣寒，質疎，有花子，性利無毒，沉降之用也。以朱觀之，二物其不同者如此。本草諸書分析尚未明確，確今辨別二種之異，以俟博物君子再行查驗何如耳。

明倪朱謨本草彙言

椿一作櫟，一作柂，一作櫧。今俗名香椿，易長而有壽，南北皆有之。木身大而實，其幹端直紋理細膩，肌色赤，皮有縱紋易起，葉自發及嫩時皆香，甘生熟鹽

醃皆可茹，世皆尚之。無花莢，葉苦溫，無毒，多食動風。

壅經絡，令人神昏。和豬肉熱麪，頻食則中滿。椿用葉

明王蓋臣二
如亭羣芳譜

椿樹高聳，而枝葉疎，與樗不異。香者曰椿，臭者曰樗。俗亦呼臭椿。圃中沿牆宜多植椿。春夏之交，嫩葉初放，卽摘之，淳熟點茶，味絕香美。或拌鹽鋪鐵，飾內下燃炭火炙乾。秋冬時取出，以滾水充炮，其味稍遜。於鮮者，卻可致遠。根旁出小樹，春秋二分栽卽活。五月開花，著子落地亦出。

明周文華
政富全書

同上

椿禹貢曰柂。一作櫟。一作摘。今名香椿。農桑輯要曰：本實而葉香。有鳳眼草者謂之椿。椿木疎而氣臭。無鳳眼草者謂之樗。又云有花而莢者謂之椿。無花不實。謂椿。○明徐光啓農政全書

玄扈先生曰：椿宜于春分前後栽之。

同上

又曰：其葉自發芽及嫩時，皆香甘生熟鹽醃皆可茹。

同上

木實而葉香。有鳳眼草者謂之椿。木疎而氣臭。無鳳眼草者謂之樗。皆可於春分前後栽之。又云有花而莢者謂之椿。無花不實。謂椿。陳無私農桑輯要

本草有椿木樗木。舊不載。所出州土，今處處有之。二

木形幹大抵相類椿木實而葉香可噉樗木疎而氣臭膳夫熬去其氣亦可噉北人呼樗爲山椿江東人呼爲虎目葉脫處有痕如樗蒲子又如眼目故得此名夏中生莢樗之有花者無莢有莢者無花莢常生臭樗上未見椿上有莢者然世俗不辨椿樗之異故俗名爲椿莢其實樗莢耳其無花不實木大端一直爲椿有花而莢木小幹多迺矮者爲樗明慎懋官華夷花木考燕齊人採椿芽食之以當蔬亦有點茶者其初茁時甚珍之既老則殖而蓋之南人有食而吐者然椿有

香臭二種臭者土人以湯滌而滷之亦可食也考之圖經疎而臭者乃樗耳蓋二木甚相類但以氣味別之今人不復識認槩呼爲椿也明謝肇淛五雜組重修靖江縣志

椿生極脩挺初春嫩葉香美可食重修靖江縣志

椿根皮取不近西偏者爲上同

椿有二種葉初生而紅多芒者不可食色白者香美可茹材堪爲棟古詩草有靈芝木有椿九江府志

椿土人折其花葉置之花瓶經月不枯泉州府志

椿樹高聳而枝葉疎與樗不異葉香者椿臭者樗也

江陰縣志

椿葉似橄欖芽香可噉

福州府志

椿一名虎目謂葉脫有痕如虎之目也皮細肌實而赤芽作香蔬根可療疾

肇慶府志

椿圖經曰椿木實而葉香可噉今人方春摘葉食之其臭者爲樗董子曰木命三時謂椿以春復以夏楸以秋也

海澄縣志

椿其葉香可入烹飪亦可點茶

吳縣志

椿剡溪谷多此木

宋孔德紹詩歲積松方偃年深椿欲○紹興府志

椿初芽最堪茹有一種類椿而臭惡蓋樗也或曰四月不可食能引疫云

河間府志

樗櫟疎而臭其葉脫處有臼故樗蒲錦以此稱之椿木實色赤而葉香芽可茹亦可生食根側分小木種乏其材爲船底不利爲船臘則稱爲梁燕不來虛舟子曰以柏作東戶而椿楣其上則爭位有聲

清沈賦方氏物花譜

識理小

太椿以八千歲爲春秋植之園林可以空壽大齊彭殤茂葉修柯夏日與桐陰爭美

清沈賦名花譜

張茂卿嘗於椿樹杪接牡丹，飄搖雲表，花時延賓於樓頭賞焉。同上

椿香者名椿實而無莢臭者名樗疎而有莢今人莫辨槩謂之椿非也根旁出小樹春秋二分栽卽活清石

巖逸叟增定

致富奇書

椿俗名香椿樹高聳而枝葉疎無花而不結莢者是也其根上孫枝春秋二分日移植卽活其嫩葉初放時土人摘以佐庖點茶香美絕倫下種似椿而葉臭有花而結莢者俗呼爲臭椿是樗非椿也江東人呼

爲虎目葉脫處有痕相似也

清陳淏子
秘傳花鏡

椿樗根皮鳳眼草者名椿甘平無毒臭者名樗苦溫

有毒樗樹有蟲謂之樗雞樗樹有莢莢中有實狀如目珠名鳳眼草子嗣門中練真丸用之專治髓藏中溼熱高年素享豐厚者宜之

清張璐本
經逢原

鳳眼草卽樗樹葉中有子一粒形如鳳眼故名如無樗根皮代之

同上

庶物類纂木屬卷之三十九目次

丹青樹

黃楊

水黃楊

柞木

杜仲

丹青樹

一名華蓋樹

西京雜記一名五采樹

述異

俗名各柰眉

山城

又名促拔

備前

丹青樹

終南山多離合草葉似江離而紅綠相雜莖皆紫色氣如蘿勒有樹直上百尺無枝上結繫條如車蓋葉一青一赤望之班駁如錦繡長安謂之丹青樹亦云華蓋樹亦生熊耳山

晉葛江西京雜記

辰州嵩溪有丹青樹枝葉直上籠雲下無枝條上有五色葉圓如華蓋故號丹青樹俗謂之五采樹今在

辰陽縣

梁任昉述異記

黃楊

一名錦塾江陰縣志 一名知命樹閔偶奇情

俗名被眉紫結

黃楊

黃楊生諸山野中，人家多栽種之。枝葉攢簇上聳，葉似初生槐芽而青厚，不花不實，四時不凋，其性難長。俗說歲長一寸，遇閏則退。今試之但閏年不長耳。其木堅膩作梳，最良。按段成式酉陽雜俎云：世重黃楊，以其無火也。用水試之沉，則無火。凡取此木必以陰晦夜無一星伐之，則不裂。明李東壁本草綱目

李氏曰：黃楊木生諸山野中，人家多栽種之。枝葉攢簇上聳，葉似初生槐芽，綠而厚，不花不實，四時不凋。

其性難長，俗說歲長一寸，其木堅膩作梳，刻印最佳。按酉陽雜俎云：世重黃楊，以其無火也。用^于水試之，沉則無火。凡取此木，必以陰晦夜，無一星者伐之，作器皿，則不裂。明倪朱謨

器皿則不裂。

本草彙言

黃楊木理細膩，枝幹繁多，性堅緻難長，歲長一寸，閏月年反縮一寸。葉小而厚，色青微黃，世重黃楊，以其無火，以水試之，沉則無火。取此木，必于^于陰晦夜，無一星伐之爲枕，不裂。東坡詩曰：園中草木春無數，只有黃楊厄閏年。考之爾雅桐茨菰皆厄閏，不獨黃楊。王明

王

蓋臣二如
亭羣芳譜

黃楊木性難長，世重黃楊，以無火，或曰以水試之，沉則無火。取此木，必以陰晦夜，無一星則伐之爲枕，不

裂
唐段成式

西陽雜俎

夷陵山谷間多黃楊樹子，江行過絕險處，時時從舟中望見之，鬱鬱山際，有可愛之色，獨念此樹生窮僻，不見依君子，封殖備愛賀，而樵夫野老又不知甚惜。

作小賦以歌之。黃楊樹子賦序○

宋歐陽文忠公集

黃楊木性堅緻難長，俗云歲長一寸，閏年倒長一寸，

世重黃楊以無火或曰以水試之沈則無火取此木必於陰晦夜無一星則伐之爲枕不裂

宋陸佃
碑雅

黃楊木理堅而細其色黃俗說歲長三寸遇閏則退一寸東坡詩云園中草木春無數惟有黃楊厄閏年

明慎懋官華夷花木考

世傳黃楊無火入水不沈此未之試或不盡然也物皆易長而此木最難長故有厄閏之說言閏年則縮入土此說亦未必然但狀其不長耳金陵僧寺齋前多植爲玩往往遊處三十餘年而不能高咫尺者柔

嫩如故不但不長亦不老也

明謝肇淛
五雜組

黃楊埤雅曰黃楊物性堅緻難長歲長一寸閏年倒長一寸蘇子瞻詩山中草木隨時長唯有黃楊厄閏年是也酉陽雜俎曰世重黃楊以其無火伐必以陰

晦夜不見一星爲枕不裂

海澄縣志

黃楊枝叢而矮踈而長者曰水黃楊

重修靖江縣志

黃楊似青楊每年僅長一寸性堅緻寧折終不曲撓每有閏縮一寸謂之厄閏以其無火世尤重之采此木必于陰晦之夜作器不裂

肇慶府志

黃楊木理堅而細其色黃梳材

泉州府志

黃楊一種直腳枝揚而葉疎一種名錦熟枝柔而葉繁婆娑可愛最難於長

江陰縣志

黃楊性堅緻難長可供清玩

九江府志

黃楊葉細皮薄歲長三寸遇閏年則退一寸東坡詩

山中草木隨時長惟有黃楊厄閏年

八閩通志

黃楊葉細皮薄歲長三寸至閏年則縮一寸東坡詩惟有黃楊厄閏年此也木堅實可爲器用

福州府志

黃楊葉細冬不凋肌理極堅而膩色黃其木年久長

大者可下旋器皿及爲梳宋莆陽志云每歲僅長三寸

遇閏則退一寸東坡詩云山中草木隨時長惟有黃

楊厄閏年是也

邵武府志

黃楊堦雅曰黃楊物性堅緻難長歲長一寸閏年倒

長一寸蘇子瞻詩山中草木隨時長惟有黃楊厄閏年酉陽雜俎曰世重黃楊以其無火伐必以下陰晦夜

不見一星爲枕不裂

汀州府志

四明山記山生黃楊

紹興府志

黃楊木樹小而肌極堅緻枝叢而葉繁四季長青每

物類纂

卷十九

木屬

黃楊

五

歲止長一寸，不溢分毫。至閏年反縮一寸。昔東坡有詩云：園中草木春無數，惟有黃楊厄閏年。因其難大，人多以之作盆玩。清陳淏子

人多以之作盆玩。秘傳花鏡

黃楊每歲長一寸，不溢分毫。至閏年反縮一寸。是天限之木也。植此宜生憐憫之心。予新授一名曰知命樹。天不使高，強爭無益。故守困厄爲當然。冬不改柯，夏不易葉。其素行原如是也。使以他木處此，卽不能高，亦將橫生而至大矣。不然，則以才不得展，而至瘁。弗復自永其年矣。困于天而能自全其天，非知命。

君子能若是哉？最可憫者，歲長一寸，是已至閏年，反縮一寸，其義何居？歲閏而我不閏，人閏而已，不閏已見天地之私，乃非止不閏也。又復從而刻之，是天地之待黃楊，可謂不仁之至、不義之甚者矣。乃黃楊不憾天地，枝葉較他木加榮，反似德之者，是知命之中又知命焉。蓮爲花之君子，此樹當爲木之君子。蓮爲花之君子，茂叔知之；黃楊爲木之君子，非稍能格物之笠翁孰知之哉？清李漁閑情偶奇

水黃楊

一名直腳黃楊

江陰縣志

水黃楊

黃楊枝叢而矮疎而長者曰水黃楊

重修靖江縣志

黃楊一種直腳枝揚而葉疎一種名錦墊枝柔而葉繁婆娑可愛最難於長

江陰

長江縣志

柞木

一名鑿子木

本草綱目

俗名耶禿眉

柞木

柞木皮味苦平無毒治黃痘病皮燒末服方寸匕生
南方葉細今之作梳者是新補見陳藏器日華
子。嘉祐補注本草

柞木此木處處山中有之高者丈餘葉小而有細齒
光滑而勣其木及葉子皆有針刺經冬不凋五月開
碎白花不結子其木心理皆白色

明李東壁
本草綱目

李氏曰柞木南北東西在處山中有之高丈餘葉小
而有細齒光滑而勣其木及葉子皆有針刺終冬不
凋五月開白色花細碎不結子其木心亦白色陳氏

曰、柞木生南方居多今之作梳者是也此木堅硬可爲斧鑿柄又橡櫟之木亦名柞木非此木也明倪朱謨本草

言彙

柞傳曰柞之性堅強而不爲霜露之所遷得土之正氣今人取以爲梳材八閩通志

柞此木細葉性堅理膩宋蒲陽志云傳曰柞之性堅強而不爲霜露之所遷得土之正氣也邵武府志

杜仲

一名思仙神農本草一名思仲嘉祐補註本草一名木綿同上

俗名埋油密

杜仲

杜仲生上虞山谷及上黨漢中今出商州成州峽州近處大山中亦有之木高數丈葉如辛夷亦類柘其皮類厚朴折之內有白絲相連二月五月六月九月採皮用江南人謂之棉初生葉嫩時採食主風毒腳氣及冬積風冷腸痔下血亦宜乾末作湯謂之棉芽花實苦澀亦堪入藥木作履亦主益腳本草圖經

按龐元英談數一少年新娶後得腳軟病且疼甚醫作腳氣治不効路鈴孫琳診之用杜仲一味寸斷片

折每以一兩用半酒半水一大盞煎服三日能行又三日全愈琳曰此乃腎虛非腳氣也杜仲能治腰膝痛以酒行之則爲效容易矣

明李東壁本草綱目

別錄曰杜仲生上虞山谷及上黨漢中上虞在豫州虞虢之虞非會稽之上虞也今出建平宜都而韓氏蘇氏又高出商州成州峽州諸山大谷中樹高數丈葉似辛夷又類柘葉嫩葉初生可食謂之棉芽花木皮狀似厚樸折之白絲相連江南亦呼曰棉花實皆苦澗亦堪入藥木又可作履以益腳也雷氏曰修治

削去粗皮每一斤用蜜四兩和塗火炙黃以透爲度

明倪朱謨本草彙言

杜仲始生上虞山谷及上黨漢中今深山大谷所在有之樹高數丈葉似辛夷亦類柘其皮類榆柳折之內有白絲如綿相連故一名木綿昔姓杜名仲者服之得道因名杜仲

李中立本草原始

杜仲皮作酒主腰足痛

香山縣志

庶物類纂木屬卷之四十目次

卷之四十

庶物類纂木屬卷之四十目次

小檗

鬼箭

桃葉鬼箭

拘櫛

小檗

一名子檗

嘉祐補註本草

一名山石榴

同上

一名刺檗

同上一名雞柏樹

證治類方

俗名哥革捏遠莫施油

紀伊州

又名眉已

山城

小檗

小檗唐本注云其樹枝葉與石榴無別但花異子細黑圓如生李子爾生山石間所在皆有襄陽峴山東者爲良陶於檗木附見二種其一是此陶云皮黃其樹及皮白今太常所貯乃葉多刺者名白刺檗非小檗也今注陳藏器本草云凡是檗木皆皮黃今既不黃而自然非檗小檗如石榴皮黃子赤如枸杞子兩頭尖人剗枝以染黃若云子黑而圓恐是別物非小小檗也

唐本先附○嘉祐補註本草

檗木又有二種小樹狀如石榴其皮黃而苦俗呼爲子檗亦主口瘡又一種小樹多刺皮亦黃亦主口瘡唐本注云子檗一名山石榴子似女貞皮白不黃亦名小檗所在有今云皮黃恐謬矣按今俗用子檗皆多刺小樹名刺檗非小檗也同上

檗木別有一種多刺而小細葉者名刺檗不入藥用又下品有小檗條木如石榴皮黃子赤如枸杞兩頭尖人剗以染黃今醫家亦稀用一本草經

小檗山間時有之小樹也其皮外白裏黃狀如檗皮

而薄小明李東壁本草綱目

鷄柏樹此藥樹生梗有小刺葉如石榴葉根色如黃芩單用亦可點洗明王肯堂證治類方

謹按證治類方眼目門載日精丹方云又方可加

鷄柏樹根不拘多少爲妙

檗木如石榴皮黃子赤如枸杞子兩頭尖枝可剗以染黃生山石間一名山石榴本草謂之小檗八閩通志

黃檗木枝葉與石榴無辨皮黃子赤如枸杞子兩頭尖枝可剗以染黃生於山石之間福州府志

黃檗一種小而實如酸石榴者名曰小檗性亦不甚
相遠千金翼阿伽佗丸用之

清張璐本
經逢原

謹按實當作葉

鬼箭

一名衛矛神農本草一名狗骨本草圖經一名神箭本草

目綱

俗名尼詩氣已

鬼箭

衛矛陶隱居云山野處處有其莖有三羽狀如箭羽俗皆呼爲鬼箭而用甚稀用之削取皮羽嘉祐補註本草

衛矛鬼箭也出霍山山谷今江淮州郡或有之三月以後生莖苗長四五尺許其幹有三羽狀如箭羽葉亦似山茶青色八月十一月十二月採條莖陰乾其木亦名狗骨崔氏方療惡症在心痛不可忍有鬼箭羽湯集驗方療卒暴心痛或中惡氣毒痛大黃湯亦用鬼箭皆太方也本草經

衛矛所在山谷皆有之。然未嘗於平陸地見也。葉絕少其莖黃褐色若蠻皮三面如鋒刃人家多燔之遣崇方家用之亦少。

宋寇宗奭本草衍義

鬼箭生山石間小株成叢春長嫩條條上四面有羽如箭羽視之若三羽爾青葉狀似野茶對生味酸澁三四月開碎花黃綠色結實大如冬青子山人不識惟樵采之數曰凡使勿用石茆根頭真相似只是上葉不同味各別耳。

明李東壁本草綱目

明許希周藥性奇方

衛矛即鬼箭羽苦寒無毒生山石間小株成叢葉似野茶三四月生小黃綠花實如冬青子一條上有羽如箭視之若三羽故名。

清張璐本經逢原

宋鄭夾漈

衛矛曰鬼箭莖有三羽狀如箭羽俗謂之狗骨

宋鄭夾漈

昆蟲草木畧

鬼箭草出穹窿山中莖有箭羽

吳縣志

桃葉鬼箭

桃葉鬼箭

衛矛普曰葉如桃箭如羽正月二月七月采陰乾或

生田野明李東壁

本草綱目

枸橘

一名臭橘

本草經圖

俗名革賴佗地

枸橘

枳實近道所出者俗呼臭橘不堪用

本草圖經

枸橘處處有之樹葉並與橘同但幹多刺二月開白花青蕊不香結實大如彈丸形如枳實而殼薄不香人家多收種爲藩蘿亦或收小實偽充枳實及青橘皮售之不可不辨

明李東壁本草綱目

臭橘酷似枳不堪用

明倪朱謨本草彙言

青皮一名狗橘

明鄭康寧藥性要畧大全

謹按此說誤也狗他書作枸

枸橘色青氣烈小者似枳實大者似枳殼能治逆氣心胸痺痛中風便血醫家多用之

宋韓彥直橘錄

枳實人多植枸橘于籬落間收其實剖乾之以之和藥味與商州之枳幾逼真矣枸橘又未易多得取朱欒之小者半破之日暴以爲枳異方醫者不能辨用以治疾亦愈藥貴於愈疾而已孰辨其爲真偽耶同上中德曰枸橘與枸橘葉嫩時皆可作茶○清皖桐方氏物理小識

庶物類纂木屬卷之四十一目次

楡木

接骨木

蚊子樹

強木

木桃兒

楳木

一名吻頭本草 拾遺本草 一名鶴不踏本草 綱目 一名山芎
頭保命 一名老鼠刺同上 一名百鳥不泊同上 一
名赤頭芎同上 一名夫人柴同上 一名鳥不宿遵生

八

楳木

楳根去王切

一作楳味辛平小毒主水癰取根白皮煮

汁服之一盞當下水如病已困取根擣碎坐其下氣水自下又能爛入牙齒齒有蟲者取片子許大內孔中當自爛落生江南山谷高丈許直上無枝莖上有刺山人折取頭茹食之亦治冷氣一名吻頭陳藏器餘○宋

唐慎微證

類本草

楳木率今山中亦有之樹頂生葉山人采食謂之鵲

不踏以其多刺而無枝故也

明李東壁本草綱目

物類集

卷四十一

木屬 楳木

二

山芎頭又名老鼠刺又名百鳥不泊其葉似蟬翅草其藤有大套酒盃大建寧府水南塔下山內有採

明蔡

朝衣保
命歌括

百鳥不泊又名赤頭芎樹身有刺生子有刺直至樹尾有葉身上無葉又名夫人柴同上

治療背諸毒一方鳥不宿帶枝葉取來搗汁加米醋一小盞先喫蟾酥丸三粒後喫此汁用綿被蓋出汗即愈○鳥不宿樹名枝上有刺

○明高濂遵生八牘

接骨木

一名木蒴藋本草圖經一名續骨木本草綱目一名章漆樹肯落大成一名繼骨樹同上一名野黃楊同上一名遷遷活重修鎮江府志○謹按

木草逢原作折折活

接骨木

接骨木舊不著所出州土今近京皆有之木高一二丈許花葉都類陸英水芹輩故一名木蒴藋其木輕虛無心斫枝挿土便生人家亦種之葉主瘡研絞其汁飲之得吐乃差大人七葉小兒三葉不可過多也

本草
圖經

祖傳經驗秘方治肺癰未成膿者立消已成膿者立潰其効如神用樟漆樹葉一名接骨木又名繼骨樹又名野黃楊田塙路側皆有之右一味細研畧入濾

過以好酒服下飲酒人人生薑研服明余應奎醫學
源流肯綮大成

蒴藋其木輕虛無心主續筋骨本草謂之接骨木亦謂之蒴藋八閩通志

蒴藋卽接骨木俗名遷遷活重修鎮江府志

接骨木一名木蒴藋蒴藋接骨草也

清張士聰醫學要訣

接骨木一名續骨木又名木蒴藋俗名杆杆活清張璐本

原草蓬

蚊子樹

俗名皮搖莫那已

蚊子樹

有樹如冬青實生枝間形如枇杷子每熟即折裂蚊子羣飛唯皮殼而已土人謂之蚊子樹出嶺南異物志○太平廣記

蚊子樹枝幹如冬青實生枝間形如枇杷子每熟即折裂蚊子羣飛唯皮殼而已土人謂之蚊子樹明鄉善長

彙苑詳註

強木

強木

東海滄浪洲生強木焉洲人多用作舟楫其上多以珠玉爲戲物終無所負其木方一寸可載百許斤縱石鎮之不能沒矣

漢東方朔神異經

強木造舟楫其上多飾珠玉以爲遊戲強木不沈木也方一寸重百斤巨石縋之終不能沒

唐蘇鶴杜陽雜編

強木不沉木也以之造船其上多飾珠玉以爲遊戲木方一寸以百觔巨石縋之終不沒

明鄒善長彙苑詳註

木桃兒

木桃兒

木桃兒樹生中牟土山間。樹高五尺餘。枝條上氣脈積聚爲疣瘡狀。類小桃兒極堅實。故名木桃。其葉似楮葉而狹小無花。又卻有細鋸齒。又似青檀葉。梢間另又開淡紫花。結子似梧桐子而大。熟則淡銀褐色。味甜可食。救飢採取其子熟者食之。

明徐光啓農政全書

木桃樹高五尺餘。枝條上氣脈積聚爲疣瘡狀。類小桃兒極堅實。故名木桃。其葉似楮葉而狹小無花。又卻有細鋸齒。又似青檀葉。梢間另又開淡紫花。結子似

梧桐子而大熟則淡銀褐色味甜可食陸佃云木桃圓而小於木瓜食之酢而澀而木者謂之木桃述異記曰桃之大者謂之木桃非也

明吳元化毛詩鳥獸草木攷

